

babest Iohannes wider uns geben hat, kein kraft niht habent und uns noch dekainen den unsern berûrent von dem rehten, und haben dar umb gebotten, das alle pfaffen, die in unserm rîche sint, singen und offentlich gottesdienst haben und das aller mangelich, si sien layen oder pfaffen, ze gottes dienst gan sont^a mit gûter gewissen und das niht miden sont von der processe und urtail wegen, und weli dar an unserm gebot niht gehorsam wurdent, der lip und gût haben wir genomen us dem fride und getan in den unfride und haben erlobet aller mangelich uber ir lib und gût, also was in geschicht dar umb, das nieman daran frêvelt noch gebunden sie wider ze tûnde. Dar umb gebieten wir dir bi unseren gnaden, das du das vorgenante unser gebot offentlich haïssest kunden in dinen stetten und gebieten und offentlichen manest alle pfaffen, man und frowen, gaischelich und weltlich, weles ordens oder wesens si sien, das die pfaffen und gaischelich lute, man und frowen, gotzdienst haben und die layen, man und frowen, dar zû gangen, als ob me dekain processe und urtail wider uns geben wurde, und och das niht lassen durh derselben processe, die geben sint oder her nach geben wurden, wan die niht kraft habent^b von dem rehten. Welhi des dar uber nit tûn weltint oder die schirmtent, husten oder hoften, die niht gotzdienst habent oder dar zû niht gan weltent, der lib und gût underwinde dich als unser und des riches fient und la das usser diner gewalt nicht komen, bis wir ze rate werdent, wie wir da mit gefarent. Halt och dar an unser gebot als feste, das wir dich besunder nicht straffen sôlin.

Geben ze Frankenfurt¹ in dem vier und zwainzigsten iare unsers richs und in dem ainluften des kaysertums.

Hec epistola translata de Theutunico in latinum sic sonat:

Ludewicus Dei gracia Romanorum imperator semper augustus nobili viro comiti Eberhardo de Nellenburg advocato suo provinciali dilecto suam gratiam et omne bonum.

Nuper in Frankenfort coram principibus, comitibus, dominis et civitatum imperialium nunciis et legatis, qui ex mandato nostro ibidem coram nobis comparuerunt, proposuimus et propalavimus^c iniuriam, que nobis et Romano

a) 'o' aus 'v' corr. b) Ueber der Zeile nachgetragen. c) 'la' auf Rasur.

1) Das unvollständige Datum ist aus der lateinischen Uebersetzung zu ergänzen.